


李百華南西製



南西廂記下卷

長樂郡
振鐸西
請子也

江都曹氏
家藏

蘇李

同書

明姑蘇李日華編本

第十八齣

傳情

西地錦生上愁重曉來未起忘冷失寢因渠楊花無力隨
風分明自不支持

欲將青夢遊巫峽。苦被鶯聲喚醒來。這相思病害殺我也。
自那日聽琴之後。再不得見那小姐。曾記紅娘說道。若有
消息。必來回話。這幾日如何不聞音耗。好悶人也呵。不免
少睡片時。再作道理。正是不教來處還來也。正好來時却

不來作睡介

前腔紅上曉過書齋探視多應悶掩門兒金釵敲處輕輕的此情猶恐人知

我紅娘奉小姐之命去看張生。况前日約他回話。須索走一遭。我想來一家若無張生。怎有今日。

降黃龍紅相國行祠寄居蕭寺苦因喪事孤兒幼女孤兒幼女將欲從軍而死張生此時伸志遣尺書與師疾至方顯得文章有用天地無私

前腔紅若非是剪殺賊寇險些兒滅門絕戶俺一家兒鶯鶯君瑞在危急許配雄雌夫人背盟推托却以兄妹爲之把婚姻一時打滅頓成拋棄

我看張生與俺小姐兩下都害得瘦了。

滾紅一個潘郎鬢有絲杜韋娘非舊時一個帶圍寬清減了瘦腰肢一個睡昏昏不待觀經史一個意懸懸懶去拈針指一個筆下寫幽情一個絃上傳心事兩下裏都一樣害相思

說話之間。早到書院中了。且將唾津兒潤破紙窗。看他在裏面做些甚麼。

前腔紅潤破紙窻兒潤破紙窻兒悄聲兒窺視見他和衣
初睡起前襟有褶裯孤眠滋味淒涼情緒這瘦臉兒不是
悶死是害死

前腔紅我把金釵敲門扇兒金釵敲門扇兒生是誰紅我

是散相思五瘟使生呀元來是紅姐姐拜揖紅張先生萬

福小姐想着伊使紅娘來採取生小姐使你來必有話說

紅道風清月朗聽琴佳趣到如今念千番張殿試生既蒙

小姐如此見憐小生有一柬敢煩紅姐姐帶去達知肺腑

紅只怕我番過面皮來生我的親親姐姐好友爲我傳一

傳去

滾紅他若見了書他若見了詞顛倒廢神思他搜札起面

皮憑誰寄言語他道這妮子敢胡行事啞啞的扯爲碎紙

生紅姐姐若得此事成就重重謝你紅把甚麼謝我生我

打一對金釵與你紅這又道差了。我乃是人家裏小丫頭

得你金釵插在頭上人却不道我風了生既不要釵我做

一身紗羅衣裳與你紅衣裳小姐自己做得有了我也不

要生你不要衣裳我繡一雙鞋子與你紅繡鞋紅娘自己

會做也不要你的

前腔紅饒窮酸餓鬼饒窮酸餓鬼賣弄有家私莫不是爲
圖財我特來到此怕有情人乖劣性子你只說道可憐見
孤身已

生紅娘說話好蹺蹊道着頭來尾倏知首飾衣裳繡鞋都
不要一心要與我張珙做夫妻紅這事倒虧你說我今不
要你甚的只要叫我一聲生叫你有甚難處紅姐姐這便
是了紅紅娘老夫人和小姐憑着甚麼人都是這等叫生
不叫紅姐姐却叫甚麼紅我要除了上面一個字除了下
面一個字雙膝跪下叫一聲生除了上下二字是娘字我

男兒膝下有黃金終不然跪你小丫頭叫你做娘不成紅
叫不叫我去了休怪生紅姐姐且慢去沒奈何只得叫了

跪介娘紅笑介我兒起來要老婆的看樣你就寫書丑上

諱叫太婆介下生寫書介珙百拜芳卿可人粧次自別光

儀鴻稀鱗絕悲愴不勝孰料夫人以恩成怨變易前盟使
小生目視東墻恨不得奮翼于粧臺左右患成思竭垂命
有日聊奉數字以表寸心萬一有見憐之意伏乞速慰好
音庶救殘喘造次不恭幸惟恕罪後成五言一首錄呈見
情相思病轉添謾把瑤琴弄樂事又逢春芳心爾亦動此

情不可違。虛譽何須奉。莫負月華明。且憐花影動。

一封書紅。慙慙處。可喜。拂花箋。打稿兒。先寫下幾句寒溫

序。後題着五言八句詩。不移時。可知之。疊做同心方勝兒。

張生呵。忒風流。忒煞思。忒聰明。忒浪子。

皂羅袍。生紅姐姐。小生呵。顛倒寫鴛鴦兩字。方信道在心

為志。紅姐姐。你去到小姐面前。用意些。看喜怒。其間覷個

意見。紅。我自有道理。放心學士。自當處置。言談之際。作個

道理。只說道。彈琴那人教傳示。

生紅姐姐。萬望用心。自當重報。紅。這緘帖兒。我與你將去。

張先生。自當以功名為念。休得要悞了你的志氣。

南郊醉扶歸。紅。將偷香手。準備着。折桂枝。休教淫詞兒污

了龍。光字。藕絲兒。縛定。鵬翅。黃鶯兒。奪了。鴻鵠志。休因

翠幃錦帳。一佳人。悞了你。玉堂金馬。三學士。

生紅姐姐。此事專望回音。

尾聲。紅。從教宋玉愁。無二瘦。損了相思。這樣子。百歲歡娛

全憑着這張紙。

張先生。你放心。正是此去桃源。應有路。管教仙子。遇劉晨。

下生甲場。紅。娘將這緘帖兒送去。不是小生誇口說。就是

一道會親符驗。他道明日來回報。正是。

眼望旌捷旗

耳聽好消息

第十九齣

窺簡

祝英臺近

旦上

托冰絃傳素手。心事已無有。那西廂清露

月明間。怎知道楚館雲寒。秦樓月冷。無人處有誰腸斷。

自從那夜聽琴之後。不覺神思昏迷。形容憔悴。如今天色將明。不覺困倦轉增。待再睡片時則箇。自是日長針線懶。

海棠時候睡備多。

紅上

鶯鶯君瑞顏如玉。洞房只望成花

燭。夫人負却這姻親。頓使紅娘心不足。昨日奉小姐命。去

看張生。他便寫一封書。帶草連真。撩雲撥雨。再三央及我寄與小姐。我一時撇不下面情。應承了他。早上因伏侍老夫人。不曾見得小姐。今索去見也。呀。爲何不聞小姐做聲。又敢是睡。

祝英臺

紅

啟朱扉開綉榻。風靜晝簾閑。香冷篆烟燒。爐銀

缸金荷上夜燈猶燦。姐姐還睡哩。慵懶比及將暖帳輕彈。先揭起羅幃偷看。只見玉釵橫日高不理雲鬟。

昨日張生這緘帖兒。欲待徑送與小姐。恐小姐怒發見責。欲待沉閣了。又悞了張生一番央懇意思。進退兩難。如何

是好。做想介有一計較在此了。趁小姐未醒。把來放在粧盒裏面。看他見了。說些什麼。正是風暖鳥聲碎。日高花影重。下旦醒對鏡介

前腔旦心亂晚粧殘。烏雲驪春睡損。紅顏雙眼倦開半。胸

擡身行嘆介。酪子裏一聲長嘆。見書介呀。這是那裏來的。

折開念前書并五言詩介。此處無人到來。必是紅娘這小

妮子。無端不思量。刺鳳描鸞只學去。傳書遞緘意孜孜。顛

來倒去不奈心煩。

紅娘那裏。紅上姐姐喚我做甚麼。旦誰人着你遞書來。紅

我不知道。旦你不知誰知這小賤人快說。紅敢是風吹來

的。旦你還不說。紅莫非是猫啣來的。旦我是相國之女。誰

敢將緘帖兒來戲弄我。且告過夫人打你這小賤人。紅小

姐打誰。旦打你打誰。紅稟過夫人。我怕不打。倒要打你。

旦這賤人。怎麼倒打我。紅小姐是你着我去看張生。他差

我送來。我又不識字。知他寫着甚麼。你休要性我。先到夫

人處首去。紅走旦扯介。這丫頭倒會放刁。我假意逗你。紅

只要你叫我一聲親親姐姐罷了。旦親親姐姐。試說與我。

張生這副日如何。紅小姐。害得他病越重了。

前腔紅摧殘。那張生呵。害得他白日黃昏寂寞。淚欄杆廢寢忘食。目斷東牆。他只把佳期相盼。且他有病也不干我事。紅其間送得他直上高竿。你掇了梯兒。閑看且既有病。着他喫些藥便了。紅這病若要好時。除非是出幾點風流香汗。

前腔且遮欄。只教縛住心猿意馬。且牢拴把病體。扶持經史相親。做箇好人家風範。也罷。你取紙筆過來。待我寫幾句在緘尾上。將去與他說。遞書來不打緊。倘風聲泄漏。如何是好。今後再不可如此了。這緘只說道。老夫人違背前

盟。却把女孩兒拖犯。你說我到如今羞覩鏡裏孤鸞。

紅娘。你去就來回我的話。紅曉得。正是

打罵分明是妾災。急賚書信見多才。

桃源此去無多路。要引劉郎入洞來。

第二十齣 偽許

粉蝶兒生上鬱悶滔天。教我如何理料。

春蠶作繭絲方盡。蠟燭成灰泪始乾。昨晚紅娘將緘帖兒去了。未有回報。使我千思萬想。料此事定然成也。一自海棠初放后。幽情牽惹到如今。不免開步一回。散悶則箇。

泣榴花犯紅上晚粧樓上杏花殘猶兀自怯衣單那一片
聽琴心清露月明間昨日向晚不怕春寒幾乎被賺那其
間豈不羞顏爲你一個不酸不醋風魔漢隔牆兒險做了
望夫山

因張生昨日寄書與俺小姐到受了一場氣今日須索走
一遭看小姐前日的心比今日的心不同了。

漁家燈紅你用心撥雨撩雲我好意與你傳書遞緘小姐
呵不肯搜自己狂爲待要尋人破綻幾番背地裏愁眉泪
眼人面前巧語花言張生呵非慢從今後會難已見個酒

關人散

生見紅介呀紅姐姐你來了擎天柱大事如何了紅如何
如何被你這封書去打得苦罵得苦先生不濟事了再休
胡纏小姐變了卦兒也生小生這緘帖兒是一道會親符
驗只是紅姐姐不肯與張珙用心耳紅說那裏話我若不
用心上有天理

前腔紅這的是先生命慳須不是紅娘違慢這緘帖兒做
了招狀又是俺的公案先生受罪理之當然賤妾何辜若
不覩面顏險把紅娘來拖犯休嘆雲歛巫山偷香手段今

休慣莫把從前風月擔。

恐老夫人尋我。告回去也。生紅娘姐。你今番去了。更有誰

與小生做主。必須再尋個道理。救小生一命。跪下扯住紅

介紅張先生請起來。你是讀書人。豈不知禮。此事再休題

了。生若果不能成就。小生其實是死。

江頭金桂紅。你是秀才家風範。休要呆裏撒奸。你待要恩情美滿。却教我骨肉摧殘。老夫人呵。手執棍兒摩娑看。這粗麻大線。怎透針關。直待柱着拐棒兒。閑攢懶縫着合口。送煖偷寒。兩下裏做人難。待去呵。小姐性兒如鹽撒火。消

息兒踏。着泛。生哭介小生這條性命。都在紅娘姐身上乞

可憐見。紅我待不去呵。怎禁他甜話趨。

沒來由分說這一場。丟書介你的書在此。小姐不知寫些

甚麼在後面。你自去看。生呀。有這場好事。何不早說。聖旨

到了。理當跪接。紅小姐寫甚麼在上。你念與我聽。生念書

介。他道忽覩佳音。荷蒙繾綣。既有再生之恩。寧無特地之

約。聊奉新詩。伏惟見教。待月西廂下。迎風戶半開。隔牆花

影動。疑是玉人來。紅娘姐。此事成了。紅買乾魚放生。不知

死活。把我打罵。焦躁中寫來的。又說事成了。生你若不

信。我就解說與你聽。紅你解與我聽。生他說待月西廂下。看我月上時來迎風戶半開。他開着門兒等我。隔牆花影動着我跳過牆來。疑是玉人來。說我到也。紅他着你跳牆。怕無此語。生我是猜詩謎杜家風流隨何浪子陸賈那有差的勾當。紅連我也瞞了。

小桃紅紅那曾見寄書的。鴈小則小心腸轉關先寫着西廂待月等更闌。着你去跳東牆女字邊。干却原來詩句包籠着三更棗也。緘帖兒裏埋伏九里山。他緊處將人慢會雲雨閣中取靜。我寄音書忙裏偷閑。

蠻牌令生紙光明玉版字香噴麝蘭。紅這紙濕的爲何。生行兒邊濕透非兼春汗。緘情泪紅猶濕滿紙春心墨未

乾。紅從今後休疑難放心學士穩倩取金雀釵鬟。

前腔紅他人行別樣親。我跟前取次看更做道孟光接了梁鴻案。别人行甜言美語三冬煖。俺跟前惡語傷人九夏寒。回頭看你這離魂倩女。怎發付擲果潘安。

生小生是讀書人。怎跳得這牆過。

前腔紅隔牆花又低。迎風戶半拴。偷香手段今番按。生小生其實跳這粉牆不過。紅怕牆高怎把龍門跳。生這花樹

又密。紅嫌花密難將仙桂攀。放心去。休辭憚。你去不去。生小生難去。紅你若不去呵。望斷他盈盈秋水。感損了淡淡春山。

生小生去兩遭。不曾見一些好處。紅今番不比往常了。

尾聲。紅雖然是去兩遭。到不如這一番。隔牆酌和都胡侃。証果在今番這一緘。

正是聽琴酌和皆虛哄。証果全憑此一書。下生吊場。可嘆可嘆。萬事有分定。浮生空自忙。誰想小姐有此好處。如何等得到晚也。

讀書經畧怕黃昏

不覺西沉又掩門

欲赴海棠花下約

太陽何苦強生根

第二十齣

踰垣

紅上花香繞徑。東風細竹影橫。塔淡月明。今日小姐着俺送書與張生。當面有許多假意。元來書內暗約他來相會。小姐也不對我說。我也不說破他。且到其間。看他怎生瞞我。今日晚粧。比別日不同了。更加十倍精神。只請他燒香便了。叫介小姐。我和你燒香去。

菊花新。旦上東風寒透碧紗窻。控金鈎繡簾不掛。門闌暮

靄映殘霞對菱花晚粧初罷

紅娘你看月朗風清夜深人靜好景致也。

駐馬聽旦不近諠譁嫩綠池塘藏睡鴨自然幽雅新柳拖黃暗隱栖鴉金蓮蹴損牡丹芽玉簪兒抓住茶蘼架苔徑泥滑露珠兒濕透綾波襪

紅背云我看那小姐與張生兩下裏含情已不得到晚怎麼下落。

前腔紅日落窻紗兩下含情看月華風光瀟灑雨約雲期楚臺巫峽殘霞影裏噪歸鴉雨丁裏捱一刻似如一夏風

送飛花紛紛亂撲香堦下

前腔旦玉兔無瑕悶倚東風只自嗟晚粧初罷秋水凝眸雲鬢堆鴉鶯儔燕侶已曾約心猿意馬難拴下閉月羞花教人到處常縈掛

小姐你在太湖石畔站着待我把角門兒開了看一看怕有人聽我和你說話旦你去就來紅看介這涎臉好來了

前腔紅月照銀紗風動庭槐噪暮鴉影分高下生暗上紅

現見介我只道是甚麼東西却是多才帽側烏紗一個潛身曲檻未撐達一個無言背立湖山下生趕上抱紅介小

南西廂記下卷
姐你來了。紅吓。你爲何是這等模樣。早是妾身。若是老夫
人。你也抱住了。生小生害得眼睛昏了。紅休得謊咱。多應
窮漢餓眼生花。

生小姐在那里。紅在太湖石畔。我且問你。今夜果是着
來麼。生生是猜詩謎。杜家豈不曉詩中之意。紅既是這
等。你若從角門裏來。只道我着你進來。你還跳牆過去。張
先生。你看今夜好月。助你兩人之興。

集賢賓。紅淡雲縹渺。籠月華似紅紙。護銀蟾。絲絲嫩柳垂
簾下。綠紗茵舖着繡榻。良宵美約。庭院靜。花枝低啞。張先

生他是箇女孩兒家。須索要溫存。摩弄休猜做敗柳殘花。
畫眉序。生看他嬌滴滴玉無瑕。粉臉生春鬢。堆鴉。紅你不
要驚他。連累着我。生紅娘姐。你擔驚受怕。圖甚麼浪酒閑

茶。從今後打疊起嗟呀。畢竟的不把心腸牽掛。紅爲你兩
下裏情謙洽。張先生將指頭兒告了消乏。

張先生。我且閃在一邊。你便跳牆過去。虛下。生花園土地
公公。保扶我跳過牆去。明日大大愿心謝你。正是牡丹花

下死。做鬼也風流。做跳牆見旦。介小姐拜揖。旦哥哥從那
裏來。生跳牆過來。旦不跌壞了麼。生不曾。旦紅娘曾見麼。

生方纔見來。旦這等不好了。推開生叫介紅娘有賊。

毛羅袍紅上爲甚麼心無驚怕赤緊的夫妻意不爭差俺這裏躡足潛形俏的聽咱一箇羞慚一箇怒發張生無語姐姐變卦一箇悄悄冥冥一箇絮絮搭搭你看那張生不識羞的涎臉又定着手兒粧聾做啞

旦紅娘快來有賊紅是誰生是小生紅姐姐不要慌是熟

賊。旦賤人賊有甚生熟紅是張生。旦不要管張生李生拿

去見老夫人紅拿去見老夫人壞了他一生行止待我叫他過來跪了發落他一場那時開門放他出去便了。旦也

罷隨你紅對生張生好箇猜詩謎村家生明明寫詩着我

來如今又變了卦紅對旦姐姐他說你寫詩去叫他來的

旦詩在那里生付詩介這不是你寫的。旦奪扯碎生拾介

還好奏哩紅張生小姐既饒了你再不要多說過來跪一

跪求了罷紅扯生耳生跪介犯人一名當面。旦張生你既

讀孔聖之書必達周公之禮黃昏夜靜到此何幹

黃鶯犯桂花旦今日見何差不是我一家喬坐衙對伊說

幾句衷腸話我只道你文學海樣深誰知你色膽天來大

不想去跳龍門學騙馬紅姐姐看我面饒了張生罷。旦若

不看紅娘面。拖去見老夫人。看你有何面目。見江東父老。
紅謝小姐賢達。看我面情。干罷。若到官司。詳察張先生。你
準備着精皮膚。喫頓打。

且張先生。你雖有活命之恩。恩則當報。既爲兄妹。何生此
心。萬一老夫人知之。先生何以自安。今後再不可如此。若
更爲之。與足下決不干休。我是相國家聲世所誇。妾身端
比玉無瑕。紅此情若到官司。理應是非。姦作盜拿。且下主
對紅小姐明明寫詩約下我來。到今番下面皮。這等發落。
氣死小生也。敢問紅娘姐。借裙帶兒一用。紅作何用。生自

盡。紅哄我脫了裙兒。要我哩。生紅娘姐。不須推托。片時而
已。生抱紅作解衣鋪地介。紅禽獸。小姐變卦。剖要我替。你
看琴童來了。生回頭紅掙脫走下。生紅娘姐也薄情起來。
好悶殺我也。

普天樂。生再休題春宵一刻千金價。準備着寒窻更守十
年寡。猜詩謎羞了杜家。尤雲殢雨。休誇莫指望。西廂月下
山障了。隔牆花枝低。啞偷香手。做了話靶。叅不透風流調。
發淫詞兒。早已折罰。

桂子香中客

槐花病裏看

襄王空有夢

何日到巫山

第二十二齣

閨怨

卜番子旦上 恹恹瘦損那值殘春時候

事往情難斷。思深怨亦多。欲堅金石志。畢竟有差訛。昨日同老夫人去看君瑞哥病証。他怨言怨語。句句聲聲。只是恨着奴家。我想起來。不合琴裏花前。將他奚落。致成此病。本待輕身救療。只怕遺臭閨門。若有不測。乃我母子害他性命。天理不容。如今暮春天氣。好困人也。

綿搭絮旦落紅成陣萬點正愁人早是傷情無語凭欄怯

訴春困騰騰情思沉吟我有一腔春病誰與我溫存張君瑞呵想是你分淺緣慳雨打梨花深閉門紅上姐姐說甚麼雨打梨花深閉門

旦紅娘你這等年紀不去做些女工針指只管隨着我甚麼

前腔旦時時刻刻不曾離身紅非干紅娘之事都是老夫

人着我早晚跟隨小姐旦好笑我的萱親着甚麼來由防備人當日兵圍普救之時呵是你口許爲親今日身安事妥呵背義忘恩母親人人都道你是女中丈夫到做了言

兒無信。悔賴人婚姻。我若不守閨門時節呵。總有鐵壁銅牆。枉使機關拘禁得緊。

紅姐姐。這兩日形容憔悴。何不把花鈿重整一整。

前腔。旦花鈿慵整。紅和你佛殿上散悶耍子去。旦我也懶。

去登臨。紅姐姐身子不快。我把被兒薰得香香的去睡了。

罷。旦總有蘭麝馨香。有甚心情。捱着枕。我這幾日覺神思。

昏昏坐。不安睡。不寧。紅姐姐。張生有甚麼好處。只管想他。

旦我愛他風流才俊。貫世聰明。紅既愛他。何不成就了。

旦誰肯向東隣。把我做針兒。將線引。

紅姐姐。我看你心事。大不比往常了。

前腔。旦沒情沒緒。悶倚着圍屏。紅姐姐。繡房中做些針指。

罷。旦心在他。行交頸鴛鴦。繡不成。眼睜睜。天也不從人。張。

君瑞。想是你前生。誤我。我誤你。今生兩下裏。影隻形單。羞。

靚牽牛織女星。

紅姐姐。也用自家排遣些好。

前腔。旦思思想想。念念心心。普天下相思。是我和伊都佔。

盡休怪。我萱親自古道。好事難成。東君有意。花也留情。紅。

老丈人寄書去。請鄭生去了。旦我豈肯惹浪蝶。狂蜂。止許。

西廂記下
啣花美鹿行

尾聲旦思想想心不定只爲冤家病染成恨殺萱親背
舊盟

欲向花前尋舊約。雲迷霧鎖不堪行。適聞老夫人說張生
病越重了。多是那夜受了氣來。不免寫箇藥方兒。送去與
他。這病便好。紅娘將紙筆過來。紅通介旦寫介你將此藥
方送去與他。紅我的娘你又惹事。我不送去。旦爲何不送
去。紅只怕像前番哄他。紅娘被你哄得肚也大了。那張生
被你哄得十生九死。旦今番不哄他了。救人一命。勝造七

級浮屠。須索替我走一遭。紅我也不信你。只要罰一個誓。
旦若是哄他。自有天理作証。紅不是這等罰誓。待我替你
罰。這番說謊。姐姐那東西上面生一個盆大的疔瘡。旦付
書紅又作難介我不拿去。旦我的親親姐姐。沒奈何。紅不
是這等叫。待我坐了。深深拜一拜。叫一聲親親姐姐。旦依
紅叫介紅我的要老公的妹妹。

此藥妙通仙

依方用意煎

夜深人靜後

一貼始安然

第二十三齣

訂約

丑扶生上。生赴約西廂。月正明。百花深處見芳卿。紅將書
分明約。事到臨期又變更。小生自那晚花園中。受小姐
這場氣。染成此病。一命將危。長老與夫人。要請太醫治我。
便是孫真人也醫不得。若得那小姐的美。甘甘。香噴噴。涼
滌滌。甜蜜蜜。嬌滴滴。一點唾津兒。嚥下去。管得就好了。
官人。你便早說一兩日。也不見得這等沉重。還有救。還有
有救。拏鉢頭來。我吐上一鉢頭你喫。紅上海上有方醫。雜
症。人間無藥治相思。張生病體越重了。小姐思量。猶恐斷
送他性命。着我送藥方去。救人一命。只索去走一遭。

尾犯序。紅鬼病廝相侵。小姐呵。只爲你彩筆題詩。迴文織
錦。待月燒香。隔牆聽琴。顛窳。送得人臥床。着枕。送得人忘
食。失寢。這是夫人處。把恩山義海做了遠水。遙岑。

見生介。生紅娘。姐。你來了。紅張先生。病體如何。生我不濟
事了。異鄉易得離愁病。妙藥難醫腸斷人。被小姐害殺我
也。若死到閻王殿前。少不得要你做個証見。紅普天下害
相思的。不似你這般樣。餓鬼。

前腔。紅心不存學海文。林夢不離柳影。花陰竊玉偷香。何
曾得甚難禁。只落得愁如宋玉腰。如病沈思量。起自海棠

開後思想到如今

老夫人着我來看先生。小姐再三伸敬。有一藥方送在此。生做慌介。在那里。紅須要這幾般製度方好。你聽我說。

前腔紅桂花。搖影夜深沉。酸醋當歸蜜。蜂來浸。面靠湖山背。陰飲這片藥方。難尋須審。生要忌甚麼。紅忌的是知母未寢。怕的是紅娘撒心穩情。取使君子一星人參。

紅遞書介。這藥方是小姐親手寫的。生笑起介。早知恩詔到來。只合遠接。紅却又怎麼。書上如何說來。你念與我聽。生念介。休將閑事苦縈懷。取次摧殘天賦才。不意當時完

妾行。豈防今日作君災。仰圖厚德難從禮。謹奉新詩可當媒。寄與高唐休賦夢。今宵端約會陽臺。這詩果是小姐寫的。不似前番哄我麼。紅今番一定不哄你了。生讀罷此詩。不覺病症已減去一半。就精神起來了。倘若又像前番。這條性命着他手了。紅端的不哄你了。生此詩非前日之比。我那好姐姐。怎生放得你下。

前腔生。你是閨中女。翰林俊的是龐兒。俏的是良心。體態溫存。性格幽沉。如今這詩呵。須不是從前將人調引。須不是將人廝禁。端的是知音君子詩。向會中吟。

錦腰兒紅小姐來時身蓋着一條布衾頭枕着三尺瑤琴
他來時怎生和你一處寢凍得人戰戰兢兢說甚麼知音
前腔生果若是他有心我有心花有清香月有陰春宵一
刻值千金端的是張君瑞大來福塵

生只恐老夫人拘緊不能彀出來紅不愁夫人拘緊只怕
小姐不肯來他若果是有心你可放心

普天樂紅雖然是老夫人曉夜將門禁好共反須教你稱
心生休似前晚不肯紅肯不肯怎由他親不親盡在恁

生今晚千萬同小姐早些來正是

好事完成全仗你

今宵管取諧連理

晴乾擎傘着雨衣

一心要待雲和雨

第二十四齣

離閨

臨江仙旦針線無心倚繡床那人悶在書房封書曾約赴
高唐紅輪西墜也不覺又昏黃

小庭春寂寂涼月夜懨懨昨日着紅娘送緘帖兒約張生
今夜相會待紅娘來與他做箇商量紅上着意求不得有
時還自來小姐着我送簡兒與張生許他今晚相會我只
怕小姐又有變更斷送人性命非當耍處如今是時節了

且看他怎麼說。**紅**見介。**旦**紅娘收拾臥房。我要去睡也。**紅**姐姐。你睡了不打緊。怎麼發付那生。**旦**說甚麼那生。**紅**姐姐。你又來了。送了人性命。非當耍。你若又番更。我去出首與老夫人。你着我將緘帖兒約下他來。**旦**這小賤人倒會放刁。羞人搭搭的。叫我怎麼去。**紅**小姐有甚羞處。到那分際時。只把眼兒閉了便罷。

祝英臺紅看你玉精神花模樣。着他無倒斷思量。一片志誠。今日方知兩下裏。赴約高唐。只爲他竊玉偷香。勾引得春心飄蕩。料襄王先在陽臺之上。

且作難介。紅娘雖然如此。實是懶去。**紅**推且介。待我携了衾枕去去去。老夫人睡了也。**旦**走介。紅俺姐姐。

語言雖是強

脚步早先行

第二十五齣

佳期

供養引生上。竚立閑堦。夜深香靄橫金界。瀟灑書齋。悶殺讀書客。

書當快意讀易盡。客有可人期不來。小姐着紅娘送來緘帖兒。說今晚成事。這時候不見來。敢又是說謊了。正是人間良夜靜不靜。天上美人來不來。

臨鏡序 生彩雲開月明如水浸樓臺風弄竹聲只道是金
珮響月移花影疑是玉人來意孜孜雙業眼急攘攘那情
懷倚定着門兒待只索要呆打孩青鸞黃犬信音乖

小生一日十二個時辰無一刻放下小姐你那裡知道呵。

前腔 生昏昏情思眼慵開夢魂飛入楚陽臺早知道無明
無夜因他害想當初不如不遇傾城色小姐這早晚還不
見來夫人行料應難離側多管是冤家有些不自在小姐
若這遭不來呵安排害準備擡異鄉身強把茶湯捱

紅抱衾枕回旦上姐姐你在這裡站着待我敲門張先生

開門開門 生是誰 紅是你家前世娘 生小姐來了麼 紅又

不得來 生若不來你就替替 紅張先生放尊重些休得驚

了小姐且接了衾枕進去 生接介是不敢 紅張先生看你

如何謝我 生小生一言難盡惟天可表當効犬馬之報 生

見旦跪接介張珙有何德能敢勞神仙下降 旦請起來

羅香令 生先前見責誰承望今宵歡愛看小姐這般留心

我張珙合當跪拜 生跪旦扶起介 生小生又無潘安貌子

建才 生回看旦介 覷着可憎模樣不勝感戴小姐只是可

憐見我是孤身客

前腔且我爲你多愁多害。其實難捱。只因你廢寢忘食。可憐你十分不快。紅虧你真心耐志。誠捱小姐的心。迴意轉張先生。你否極泰來。這其間留得形骸在。

生跪介謝小姐不棄張珙。今夜得就枕蓆。異日當思報効。不敢有忘。旦妾千金之軀。一旦托于君子。勿以他日見棄。使妾有白頭之嘆。生小生焉敢如此。紅你兩人進去睡罷。我去看老夫人醒也未醒。生旦携手介雙雙携素手。款款入書齋。下紅弔白你看張生好歹。他兩個公然進去了。徑不理着紅娘。教我獨自在。此好悶殺人。也。正是窻前獨步。

誰爲伴。謾自支願恨咬牙。我想他兩人呵。

十二紅紅小姐小姐多丰采。君瑞君瑞濟川才。一雙才貌世無賽。堪愛愛他每兩意。和諧花心採柳。腰擺露滴牡丹。開香恣蝶蜂採。一個半推半就。一個又驚又愛。一個嬌羞滿面。一個春意滿懷。好似襄王神女會。陽臺一個斜欹雲鬢。也不管墮折寶釵。一個掀番錦被。也不管凍却瘦骸。人宵勾却相思債。張生許說事成之後。築壇拜將謝我。如今兩個公然携着手兒自進去了。更不管紅娘在門兒外待。好教我無端春典倩。誰排只得咬定羅衫奈。咬衣並足介。

猶恐夫人睡覺來，將好事畚成害。將門扣，叫秀才莫耽餘。
樂惹非災，輕輕叫，叫小姐忙披衣，袂把門開，看看月上粉。
牆來莫怪我，再三催。

節節高，生旦披衣上。春香抱滿懷，暢奇哉。渾身上，下都通。
泰無聊，賴難擺，劃憑誰解。夢魂飛，遶青霄外。知伊昨夜夢。
中來愁無奈。合今宵相會碧紗厨，何時重解香羅帶。

前腔。合花陰下，蘚堦楚陽臺。襄王雲雨今何在，重歡愛，歸。
去來，何時再乍時相見。教人愛，霎時不見，教人怪。合前。
尾聲。風流不用千金買，賤却人間玉。與帛生小姐若不棄。

小生。跪介。是必破工夫，明夜早些來。

旦。紅娘，我和你回去罷。怕夫人醒來尋我。紅張先生且喜。

且喜。你如今病醫好了麼。生。謝紅娘姐。我病已去九分了。

還有一分未去。紅。這一分如何不去。生。這一分還在你身。

上。紅娘姐不棄。一發救了小生。這一分何如。紅。吓。扶旦下。

寄緘傳書在，用功。

聽琴聯句向牆東。

今朝賸把銀缸照。

猶恐相逢是夢中。

第二十六齣

巧辨

謁金門。老旦上。淒涼蕭寺空，迤逗故園不堪回首。爭奈孩。

兒胡厮耨想必是紅娘引誘

雕籠不解藏鸚鵡。綉幕何須護海棠。這幾日竊見鶯鶯。語
言恍惚。神思陪加。腰肢體態。比舊日不同。莫不做下些事
來。待我叫歡郎來問他。歡郎那里。淨上妳妳叫我怎麼。老
旦我兒過來。我問你。你這兩日見你姐姐和紅娘那里去
麼。老實說與我知道。與你菓子喫。

風入松淨鞦韆庭院夜遲遲。見紅娘小姐相携。燒香只說
花園去。多時不見他。回我潦倒先回睡。也不知他幾時歸。

老旦我知道了。你去罷。淨閉口深藏舌。安身處處牢。下老

旦紅娘那里。

謁金門紅上若不是紅娘引誘。怎能教兩邊成就。裙帶腰
兒掩過鈕扣。比着舊時越瘦。

此事想必發了。見介不知老夫人叫紅娘。有何分付。老旦
小賤人還不跪着。跪介你每日引小姐去花園中燒香。做
下些好事出來。還不對我從實供說。紅我不曉得。不知有
甚麼好事。老旦小賤人。你還口強哩。若實說呵。饒你。若不
實說呵。我直打死你這賤人。打介還不說。

桂枝香老旦我着你行監坐守。誰許你胡行亂走。一任的

握雨携雲常使我提心在口。紅我都不知道。老旦你花言巧語你花言巧語將沒作有出乖露醜。打介打你這小丫頭不說與我始末根由事如何索罷休。

老旦又打介。紅老夫人聽我說。

前腔紅那日閑停針綉把此情窮究道張生病染沉痾他和我到書房中問候那張生天殺的呵着紅娘暫回着紅娘暫回。老旦那時小姐在那里。紅教小姐權時落後。老旦罷了落後却怎麼樣。紅兩下里呵做了鸞交鳳友。老旦擲杖介氣歎我也。紅老夫人休打紅娘謾追求說與你始末

根由事如何索罷休

老旦扯紅介都是你這丫頭送你到官去。紅非干張生小姐與紅娘之事都是老夫人之過也。老旦這賤人如何倒扯在我身上來。紅老夫人信乃人之本人而無信不知其可也。大車無輓小車無軌其何以行之哉。當初兵圍普救之際老夫人親許退得賊兵者以女妻之張生非慕小姐姿色豈肯區區建退兵之策。今日兵退身安悔言失信既不成其親事只合酌之以金帛令張生舍此而去不合留此書院中使怨女曠夫早晚各相窺視所以老夫人有此

一端差處。目下老夫人若不息此事。一來辱了相國家聲。二來張生名望不輕。既以施恩于人。忍令反受其辱。若到官司。老夫人亦有治家不嚴之罪。官司若推其詳。亦是老夫人忘恩負義。反爲不賢。紅娘不敢多言。望老夫人恕其小過。成其大事。則滌其舊染之污。而自新。豈不爲長便乎。

老旦那酸子有甚好處。把女孩兒配與他。紅老夫人聽我

說。

月上桂花紅。那張生呵。聰明俊秀。我小姐呵。玲瓏剔透。一個是仕女班頭。一個是文章魁首。今經月久。今經月久。相

斷守兩意相投。一心如舊。休近日轉風流。別樣精神把春。光洩漏。

老旦若依你這小賤人說。一些事也沒有。

前腔紅當初叛賊草寇。請到蒲關故友張解元起。歎回生。老夫人番言變口。你名門閥閱家聲舊。終不然。背義忘恩出。垂露醜。休何必苦追求。常言道女大難留。苗而不秀。

老旦這小賤人倒也說得是。我不合養下這不肖之女。待經官呵。玷辱家門。罷罷。俺家無犯法之男。再婚之女。與了

這無罷。紅娘與我喚那不才的賤人出來。紅小姐有請。旦暗上立紅小姐。且喜且喜。那棍兒在我身上滴溜溜滾。被我說得一些事也沒有了。老夫人如今喚你與張生成親。旦羞人搭搭的。怎麼去見我那母親。紅娘跟前有甚羞處。照依前日見張生一般。把兩隻眼閉了便罷。老旦紅娘。一發書院裏叫那禽獸來。紅張先生有請。生上一邊立紅張先生賀喜。我為你打得十生九死。被我把你退兵之事。一說起。如今着你二人成親。生多謝親親的紅娘姐。張生死于地下。不敢忘你。只是惶恐。怎生去見老夫人。紅你休

假意你的面皮。少也有一尺二寸厚。放老氣些過去。推介

臨江僊 生自古來沉舟可補。如今覆水難收。紅得干休處

且干休。旦見人猶腴腴。不敢強擡頭。

生老夫人拜揖。老旦張生。我怎生相敬你來。如何做出這

般勾當。生只這一遭。今後再不敢了。老旦罷罷。今日把女

孩兒就與你成親。只一件。我家三代無白衣女婿。今晚成

親。明日就要你上京取應。求得一官半職。是我老身之幸

也。叫紅娘。一邊整理筵席。就叫擯相贊禮成親。紅叫介。擯

相有請。淨土隨意念介。老旦你二人拜了天地。然後拜我。

生進酒介

錦堂月

生

再整鸞儔重諧伉儷心猿意馬收留且把從前

往事

一筆都勾再休題緘帖傳情惟願取功名成就合從

今後看萬里青雲早當馳驟

前腔

旦進酒介

綢繆月滿秦樓珠還合浦陽臺雨散雲收

春意徘徊今朝自覺嬌羞再休題夜去明來惟願取天長

地久

合前

僥僥令

紅春山眉轉皺秋水慢凝眸看鏡裏雙鸞相回顧

一似得水魚兒逐水流

尾聲

生

華堂簫鼓鳴春晝擺一對鸞凰配偶

生且謝紅

介纔受媒紅謝親酒

老且紅娘快收拾行李明日送衙內赴選就排酒菓餞行

紅理會得

一雙鸞鳳兩相親

從此難忘夙世恩

寄與河橋西畔柳

安排青眼送行人

第二十七齣

傷離

臨江僊

生

上得效于飛樂未闌誰知事有間關旦上人生

自古別離難可憐含淚眼一步一回看

生 水晶如意玉蓮環。着意收藏自古難。旦 紅綻櫻桃含白雪。斷腸聲裏唱陽關。生 小生自與小姐一見之後。受無限之苦。今日得效于飛之願。豈非天幸。不意老夫人催促起程。此去功名唾手。即便回來。小姐自宜保重。休得為小生煩惱。瘦損花容。旦 官人此去。得官不得官。早早回來。休使妾倚門而望。生 小姐。你看這秋天好景致也。

普天樂 生 碧雲天。黃花地。西風緊。北鴈南飛。曉來時。誰染霜林。多管是別離人。泪恨相見得遲。怨疾歸去。柳絲長。情縈繫。倩疎林。掛住斜暉。去匆匆。程途怎隨。念恩情。使人心

下悲凄

鴈聲犯 旦 思之不忍。分離見車兒馬兒。不由人熬煎氣。生

小姐今日如何不打扮。旦 有甚心情打扮得嬌嬌媚媚。準備着衾兒枕兒。則索要沉沉睡。從今後衫兒袖兒。都濕透相思泪。

傾盃序 生 樓遲頃刻間。冷翠幃寂寞添十倍。想前暮私情昨夜成。親今日別離。惟我知之。把腿兒相壓。臉兒相偎。手兒相携。不由人猛然思省。泪雙垂。

玉芙蓉 旦 空擎旅况杯。枉費叮嚀語。記當初佛殿上相逢。

和恁雙雙留意。今朝纔得成鴛侶。又被風波各處飛。合分
別去。唱陽關楚辭。你往天涯海角在須臾。

前腔生秋風聽馬嘶。落日山橫翠。害相思。無夜無明相係。
泪添九曲黃河溢。恨壓三峯華嶽低。生嘆氣介合長吁氣。
見車兒投東馬兒向西。却教人立化做望夫石。

山桃犯旦搵錦袖啼紅淚。湛秋水顰眉翠。執手未登程先。
問歸期。別酒將傾未飲心。先醉魚來鴈去書頻寄。免使人
心下成灰。

尾聲合蝸角名蠅頭利拆散鴛鴦兩下。裏話別臨岐共慘

淒。

生遠遠望見老夫人來了。我和你近前迎接。

賀聖朝老旦遠送賢才取應馳驅。早到長亭。眼前秋色總
關情。紅上願攀仙桂去。雲路快先登。

衆見介老旦張生。今日乃是吉日。特地安排酒餚。與你送
行。若到京師。闡闡一個狀元回來。休要辱沒了我女孩兒。
生小生托老夫人福蔭。憑着胸中之才。取青紫如拾芥耳。
不勞掛心。呀。長老也來了。

菊花新末上百歇新涼報早秋。山僧送客上皇州。但期一

舉登龍榜。瓊林宴罷早歸舟。

衆見介。未。老僧聞張先生赴京取應。特辦酒果送行。夫人小姐紅娘早已在此了。老夫人曾送酒過否。老旦還未曾。長老先請。未。豈敢。老夫人小姐敬過了。然後是小僧。老旦這等老身僭先了。紅娘將酒過來。把盞介。

摧拍。老旦到京師。水土自宜。趁程途當節飲食。慎時保體。慎時保體。野店風霜早。起眠遲。鞍馬秋風最要扶持。合功名遂身掛荷衣。攀月桂步雲梯。

旦我有句話兒囑付你。生小姐莫不慮小生文齊福不齊。

以此放心不下。紅姐姐你敢是怕他又惹着開花野草哩。

前腔。旦我但願你文齊福齊。只怕你停妻娶妻。愁恨自知。愁恨自知。此去迢迢。黃犬青鸞有書頻寄。花草他鄉休似此處悽遲。合前。

生再有誰似小姐的。敢生此念。小姐放心。小生也回小姐一盃。

前腔。生笑吟吟。一同到此哭啼啼。獨自散歸你。歸到羅幃。歸到羅幃。翠被生寒。此恨誰知。無計留連。閣不住。泪眼愁

眉。合前。

僧如今張先生一盃。

前腔末下西風黃葉亂飛染寒烟衰草淒迷覷盃盤狼籍
盃盤狼籍車兒投東馬兒向西張先生金榜題名切莫遲

歸合前

紅我也敬姐夫一盃

前腔

紅遞酒介這憂愁欲訴與誰這相思惟我自知你前

程萬里前程萬里一躍龍門奪錦榮歸休戀紅粧使故人

憔悴合前

一撮棹生山光暮連古道接長堤催行色人影亂夕陽低

旦人去也鬆金釧減玉肌合但願封妻子耀門閭

臨行携手欲分難

却把離愁兩地關

莫道丈夫非無泪

果然不灑別離間

第二十八齣

驚夢

掛真兒生上望蒲東蕭寺暮雲遮慘離情半林黃葉馬遲

人意懶風急鴈行斜愁恨重疊愁恨重疊破題兒第一夜

小生與小姐分手行來又早二十里之外前面就是草橋

客店不免安歇一宵明早再行我想昨夜受用今夜淒涼

這馬兒百鞭不肯行正是行色一鞭催瘦馬離愁萬斛引

新詞

步步嬌生昨日翠被香濃燠，蘭麝欹珊枕，把身軀、生臉兒
厮搵者，仔細端詳幾，曾經離別，鋪雲鬢，玉梳斜，恰似半吐
初生月。

早來到店中，了店主人何在。淨上官人就此裏面安歇。官
人喫酒飯麼。生酒飯俱不要喫了。琴童你喫飯。丑我也不
喫了。睡了罷。淨下生今日甚睡魔，到得我眼兒裏來也。

江兒水生旅館欹單枕，秋蛩鳴四野，助人愁紙，窗外風兒
烈，這孤眠被兒薄衾，又怯冷清清幾時，溫得熱，有限姻緣。

方寧貼，無奈功名何苦使人離別。

清河水生呆打孩店房中沒話說，悶對如，年夜暮雨催寒
蛩，曉風吹殘月，今宵酒醒來，玉人兒他在何處也。

不覺睡思將來，暫歇一宵。睡介

玩僊燈旦上別却情人，頓覺香消玉減。

奴家在十里長亭別了張生回去，好生放他不下。今喜得
老夫人睡了，不免私奔出城，趕上與他一同去罷。

香柳娘旦走荒郊曠野，走荒郊曠野，把不住心嬌怯，喘吁
吁，難將兩氣花，騎過了能拘管，夫人穩住厮齊攢的侍妾。

疾忙趕上，只顧恩情怎捨，爲恩情怎捨，因此不憚路途，誰經這磨滅。

前腔 且想臨行上馬，想臨行上馬，其實痛嗟，哭得我似呆痴，瘦得我甚，嗶嗶別離，剛半晌，却早掩過綉裙兒，寬褪三四褶，看清霜滿路，看清霜滿路，高下路迴折，我這裏奔馳，他在何處睡歇。

我看前面想是草橋客店，他必然在內安歇，待我敲門，則個。生起介是誰。旦是奴家開門。開門。生是個婦人聲音。這早晚到此何幹。

前腔 生是人可分，說是人可分，說是鬼速疾滅。旦是我。老夫人睡了，想你此去幾時得見，特地趕上來，與你一同去。生聽罷，語言兒將香羅袖兒拽，且停睛看者，且停睛看者，原來是小姐，你爲人能爲徹，將衣袂不藉，將衣袂不藉，綉鞋兒都被露泥惹，腳跟兒敢踏破也。

我爲你顧不得許多迢遞。

前腔 且想着你忘食廢寢，想着你忘食廢寢，放不下些，到如今香消玉減，花開花謝，你衾寒枕冷，你衾寒枕冷，鳳分與鴛拆，月圓夜雲遮，這牽腸割肚，這牽腸割肚，到如今義

斷與恩絕，尋思來痛傷嗟。

前腔生想人生在世，想人生在世，最苦是離別，關山萬里，獨自跋涉。小姐休道一時花殘與月缺，鉞墜寶簪折。總春嬌怎惹，總春嬌怎惹，生則願同衾，死則願同穴。

內鳴鑼旦下生抱丑介生小姐，你在這裏。丑吓，你好見鬼了。倒把我抱住了，叫小姐。生呀，原來是一場大夢。開門看時，但見一天露色，滿地霜華，曉星初上，殘月猶明。正是無端鳥雀高枝鬧，一枕鴛鴦夢不成。好淒慘人也。琴童收拾行李起程。

傍粧臺生絳河斜綠，依依墻高柳半遮，靜悄悄門掩清秋。夜昏慘慘雲霧穿窻，月驚覺了顫巍巍竹影龍蛇走，虛飄飄莊周夢蝴蝶，砧聲響不斷絕。急煎煎好夢兒應難捨，尾聲生柳絲長，情牽惹，冷清清獨自嗟，嬌滴滴玉人兒何處也。

草橋客店夢鶯鶯

携手相歡叙舊情

驚覺玉人空一嘆

可憐殘月照窻楞

第二十九齣

登賢

考試聽之照常做

第三十齣

寄絨

侶娘兒生上天府快先登題金榜名冠羣英風流人物才
堪稱宮袍試着瓊林宴罷遊遍京城

遠挾琴書上帝畿姓名今喜達金闈鰲頭獨占詞鋒捷聽
罷傳臚日未西小生自去秋與小姐相別倏經半載幸賴
先人福蔭一舉得中探花卽今在招賢館聽御筆親除官
職只怕俺小姐掛念愁煩不免脩書一封着琴童賫去以
安其心琴童何在丑上堂上呼名字堦前聽使令覆相公
有何分付生你將這封書與我星夜賫到河中府去

一封書生初相見俊才紅雨紛紛點翠苔別離後悶懷黃
葉蕭蕭凝暮靄又見梅花剛半吐幸喜文場得中魁寄鸞
箋到粧臺管取多情笑滿懷

琴童你到蒲東見小姐時則說官人怕娘子憂慮特地先
着小人將書來報知丑小人都曉得了就此告別

封書遠寄到蒲東

管取多情喜氣濃

一葉浮萍歸大海

人生何處不相逢

第三十一齣

報捷

折梧桐旦上一樹染榴花睡損胭脂皺鈕結丁香掩過芙蓉

扣紅上線。珠泪濕香羅袖。楊柳眉顰。人比黃花瘦。

旦紅娘。自張生去京之後。不覺半載餘矣。音書杳然。這幾日神思困倦。好悶殺人。也。紅姐姐。雖然姐夫別去。終有再會之日。請自寬懷。不必掛念。

集賢賓 旦眼前悶懷濃似酒。一半在眉頭。離了眉頭。又在心上。有惡思量。無了無休。腰肢似柳。怎當他又添憔悴。新愁舊愁。厮混了難分新舊。

紅姐姐。往常也曾不快。將息便可。不似這一場。清減得十分利害。

前腔 旦曾經憔悴。擔此憂。奈每徧閑由。不似今番情最陡。悶來時。獨倚危樓。簾垂玉鈎。空目斷山明水秀。設疑眸。見衰草連天。野渡橫舟。

大聖樂 旦風流惹下相思。爭奈相思無了期。西廂月下聽琴後。離恨譜斷腸詩。只爲你文章魁首。青雲客。休看我桃李春風。牆外枝。合悶倚闌杆望也。空教人幾回月斷天涯。紅小姐。這幾日香消玉減。腰不勝衣。越清瘦了。

前腔 旦自從那日分離。廢寢忘食。減玉肌。紅姐姐。請個問。

卦先生。占下。且夫幾時回來。旦金錢暗卜全無准。紅如今。

去了半年。想歸期不遠了。旦空屈指數歸期。紅他若中了。

必定先寄書回來。旦不愁他青鸞有信頻須寄。紅只為甚

麼來。旦只怕金榜無名誓不歸。合前

旦紅娘。我想起舊日之事呵。

不是路。旦暗想當時將欲從軍憔悴死。一封書半萬賊兵

剪草除。紅那時是老夫人背盟。旦負佳期閃得我恩情兩

下離。紅如今又是老夫人逼他應舉去了。旦只為蟾宮折

桂枝這相思天涯海角心相似此情難寄。

皂角兒。旦帶圍寬瘦減腰肢。紅姐姐做些針指消遣何如。

旦意懸懸懶拈針指這相思病染恹恹淋漓袖萬千紅泪

紅姐姐我今曉得你了。莫不是怕黃昏挨白晝象床閒鴛

被冷這般滋味。合冤家一去歸無定期嘆分離天邊月缺

也有圓時。

前腔。旦去時節黃葉亂飛到如今落紅堆砌要相逢千難

萬難不似俺別時容易莫不是醉銀箏歌綵袖戀秦樓迷

楚館把奴拋棄。合前

尾聲。旦離愁萬種千言語。紅姐姐待姐夫回來時節可備

細對他說。旦備歸來訴與只恐相逢無一句。

丑上 一心一氣。兩脚走如飛。奉相公命。賫書來報小姐。

恰纔前廳上見了老夫人。好生歡喜。着我來見小姐。早至

後堂。嗽介 紅誰在外面。見介 紅琴童你回了。丑我相公中

了。着我寄書來。紅可知道。昨夜燈花報。今朝喜鵲噪。姐姐

正煩惱哩。你在這裏等着。我對姐姐說了。你入來。紅見旦

笑介 旦這小妮子怎麼。紅姐姐恭喜。恭喜。姐夫得了官也。

旦這妮子見我愁悶。故來哄我。紅琴童在門首見過夫人

了。使他進來見姐姐。姐夫有書。旦慚愧謝天地。我也有盼

着他的日子。喚他進來。丑見介 旦你幾時離京師。丑離京

一月多也。我來請相公去喫遊街棍子去了。旦你不覺得

狀元喚做跨馬遊街三日。丑夫人說得是有書在此。接書

介 紅姐姐。姐夫書上寫着甚麼。可曾念着紅娘哩。

鎖寒窻。旦因他去減我風流。寄書來又添消瘦。我和他別

時節。桂子新秋。盼書回。又是梅花時候。悶來無語。強擡頭。

書在手。泪盈眸。看書介

醉香歸。旦我這裏開時有泪沾紅袖。他那裏修時未寫泪。

先流。悶時開拆。悶時修。淚痕兒都把書濕透。正是一重愁。

番做兩重愁。守來書泪點。從來有。

念介張琪玉拜書奉芳卿可人粧次自暮秋拜違。倏爾半載。上賴祖宗之蔭。下托賢妻之德。叨中甲第。卽日於招賢館寄跡。以俟朝廷除授。惟恐老夫人與賢妻憂念。特令琴童馳報。庶幾免慮。小生身雖遙而心常遞矣。恨不得如鷓鴣比翼。邛邛並驅。爲功名而薄恩愛。誠有淺恩貪饗之罪。他日面會。自當請責。後成一絕。以奉清教。詩云。玉京仙府探花郎。寄與蒲東窈窕娘。指日拜恩歸錦畫。定須休作倚門粧。慚愧探花郎。乃第三名也。紅他中了探花。不日衣錦歸來。妾與姐姐賀喜。

前腔 旦當日西廂月底曾相守。今日瓊林宴上恣遨遊。跳東牆。却去占鰲頭。惜花心養成折桂手。到如今晚粧樓改做志公樓。朝陽鳥便是鸞鳳友。

紅娘取紙筆過來。寫書回他去。寫介書已寫完。無可表意。聊奉汗衫一領。裹肚一條。線襪一雙。瑤琴一張。玉簪一枝。班管一枝。分付琴童。教他好好收拾。紅姐姐。姐夫如今做了官。豈無這幾件東西。將去何用。旦你不知道。

紅袖襖 旦這汗衫兒和他一處宿。想着他體溫存。貼着他皮肉。紅這裹肚何用。旦常不離了他前後。緊守着他左右。

紅蓮瑤琴行用。且當初五言詩謹赴。逐後來七弦琴成配。
偶紅這玉簪呵。且到如今功名成就也。只怕撒人在腦背。
後

紅這班管怎麼說。

前腔。且湘江兩岸秋當日。娥皇因虞舜愁。西廂兩泪流。今
日鶯鶯爲君瑞。憂琴童你逐宵旅店房中宿。休將包袱兒
做枕頭。水浸雨濕。休教扭乾來時。熨不開。摺皺一庄庄與
我仔細收留也。你與相公說。是必休忘舊。

丑小人領命。

書封鴈足此時修

情繫人心早晚休

此去長安千萬里

悔教夫婿覓封侯

第三十二齣 酬緘

風馬兒。生上。遠別多情赴帝畿。懷念夢常歸。關山縹渺人
何處。甚日共枕鴛幃。

下官名登虎榜。身列朝班。奉聖旨着俺在翰林院編修國
史。未蒙除授。因此多住兩月。前者着琴童寄書回去。又不
見到來。這幾日神思不寧。食飲無味。暫給假在館驛中將
息。早間太醫院着醫人來看俺。下了一貼藥。我想這症候。

便是盧醫烏鵲也。醫不好。除非我那小姐一見。自然便好也。

惜奴嬌生從到京師。這相思心。下旦夕。如是。心頭橫。倘有鶯兒隨侍。請得良醫來診視。一心說。本意待推辭。他察虛實論來。怎生迴避。

錦衣香生他道醫。襍症有。方術治。相思無藥餌。鶯鶯知我爲他。我也甘心兒死。飄零四海。愧無居。一生客寄。半生將至。怪簷前靈鵲垂簾幕。報喜蛛兒。昨夜燈結藥。有何吉事。莫非他處有書來至。

尾聲丑上關山豈敢辭。迢遞離却蒲東。崔小姐討得個音書來報喜。

見介生琴童。你來了。丑小人到蒲東。見那小姐。爲思想相公。一發瘦了。見了書。一發歡喜。就寫回書。打發我來了。只

道官人除授上任。不想有病在此。生小姐書在那里。丑書

在此。又有許多寄來東西。一發收了。生接書介。薄命妾崔氏鶯鶯。拜奉才郎君瑞文几。自別音容。不覺許久。正思念間。忽見華翰飛墜。始知文場高中。使妾喜之欲狂。今承使便。玳瑁奉琴一張。汗衫一領。玉簪一隻。班管一枝。裹肚一

條綿襪一雙。表妾真誠。伏惟笑納。賡韻遂成一絕。以寄遠懷。闌杆倚遍。盼才郎。莫戀神京。黃四娘。病裏得書。知中選。窻前覽鏡。試新粧。我那風流小姐。我張琪便死也。死得瞑目了。

桂枝香生堪爲字史。當從款識。端的有柳骨顏筋。恁般樣佳人才。思千般用心。千般用心。怎不教張生愛你。世間二細尋思。寄物知情厚。一庄庄謾看取。

看介休說他文章翰墨。只這女工針指。世間罕有。丑小姐寄來這些東西。要他何用。生你不知道。一件件都有緣故。

我都猜着了。

前腔生瑶琴意趣。教我閉門禁指。調養聖賢之心。洗蕩巢由之耳。丑這玉簪班管何用。生玉簪巧。細玉簪巧。細全無瑕疵。霜毫健美。細思之。今日淑女思君子。好似娥皇憶舜帝。

丑這裏肚汗衫兒。怎麼說。

前腔生裏肚精製汗衫。貼體見他不離我身。邊識盡他心中之事。丑這綿襪呵。生這襪兒樣。新襪兒樣。新線如蟣子。當遵道理。莫胡爲。願足下常如此行。時可三思。

琴童。小姐曾分付你甚麼來。丑小姐上覆相公。休得別結良姻。生那小姐還不知我心中之事哩。

前腔。生與你新婚燕爾。只爲功名到此。昨宵愛桃李春風。今日愁梧桐秋雨。我是個風流狀元。風流狀元。豈肯折殘花敗葉。小姐。你不須憂慮。暗尋思。我夢到蒲東寺。歸心十二時。

琴童。你將這衣服東西。與我好生收拾着。

病中喜得寄來書

慰我心間不盡思

和泪眼觀和泪寫

斷腸人送斷腸詩

第三十三齣

強構

秋夜月淨上。心性囂慣使風流鈔。柳陌花街常時樂。偎紅倚翠追歡笑。只愁易老。只愁易老。

梨花兒淨我家累代是公卿。自我生來欠老成。終日奔波不暫停。也麼啵。風流態度人皆敬。

小子鄭恒是也。前者姑娘崔老夫人附書來。着我來京。搬喪還河中去。誰想到得遲。又起程去了。不得相會。一向在京院子裏嫖耍。整整住了一年已上。今打聽得老夫人見在蒲東普救寺守喪。又聞得孫飛虎領兵圍了寺。要擄鶯鶯。

鶯爲妻。當時有洛陽人張珙。退了賊兵。夫人將小姐與他爲妻。我今到此。若無這個消息。自去見了姑娘。不妨。既有這件事。我去也沒意思。想起來。這事都在紅娘身上。已曾令人去喚紅娘。到下處說話。只說纔在京回。不敢造次。相見姑娘。且在此等候着。紅娘敢就來也。紅上初離閨閣裏。又向市塵行。鄭恒哥哥着人來喚我說話。老夫人着我去走一遭。見介淨紅姐姐來了。紅哥哥萬福。老夫人說。既到此間。爲何不到我家來。淨我有甚麼嘴臉見姑娘。先請你來說話。姑夫存日。將小姐許我爲妻。今已服滿。特來央你

與老夫人說。擇個好日成親。好與小姐一同扶喪回去。還葬。不然。一路上與小姐不穩便。若說得成就了。重重謝你。

紅這一節再休題了。小姐已嫁與別人去了。淨道不得一

馬不跨雙鞍。父在日許我親事。今日父死。便要悔親。那裏有此道理。紅當日孫飛虎領兵來時。哥哥你在那里。若不。是張生。俺一家性命不保。今日太平了。你却來爭親。那時被賊擄去了。哥哥如何去爭。淨我是富家子弟。却不挫了。倒與窮酸餓鬼。我偏不如他。仁者能仁。身裏出身根腳。又是親上做親。况是父命。紅你且禁聲。他那些兒不如你聽

我道來。

風入松紅你賣弄仁者能仁倚仗身裏出身到如今官上加官不教你親上做親你又不曾通媒問如何的便結婚姻

淨賊兵來時他一箇人怎生退得都是說謊。

前腔紅河橋飛虎那將軍叛蒲東劫掠人民統賊兵半萬來侵境要鶯鶯做壓寨夫人

那時荒遠之時夫人和長老商議拍手高叫兩廊不問僧俗有能退得賊兵的便將鶯鶯妻之忽有遊客張生應聲

而出我有退兵之策夫人大喜請問其策安在張生云我有一故人白馬將軍見統十萬之衆鎮守蒲關我修書一封着人報去必來救我果然書至兵來其困卽解若不是那張生善修書誰去請白馬將軍

急三鎗紅他書到施號令精兵至掃滅盡那烟塵老夫人將小姐甘心許言而有信因此上不敢慢於人淨我素不

聞他名你這小妮子賣弄他許多我有甚麼不如他處紅你又便罵我你一分他值百餘分這螢火怎比月輪高低遠近都休論我折白道字與你辨清渾淨這小妮子曉得

甚麼折白道字。你說與我聽。**紅**張君瑞肖字邊着個立人

你是個木寸馬戶尸巾。**淨**這小妮子罵我是村野吊。我祖

代是相國之子。到不如個窮秀才窮的只是窮。做官到底

做官。**紅**他憑着師友務本你倚着父勢欺人。這厮喬立議

論官人的只合做官人窮民到底是窮民却不道將相出

寒門。**淨**這都是姑夫的遺囑。我擇日牽羊擔酒上門去要

他成親。看姑娘怎麼樣發付我。**紅**如何硬做眷姻不親的

強諧秦晉。**淨**我不怕他不肯。**紅**訕。勸發村使狠甚的個善

溫存。**淨**姑娘若堅執不肯。我着二三十人上門強搶上轎。

扛到下處。脫了衣裳過了一宿。恁明日急趕將來。還你一

個婆娘便了。**紅**你須是鄭相國親舍人。須不是孫飛虎莽

軍。喬嘴臉。腌臢身分。少不得有家難奔。**淨**這小妮子眼見

得受了招安也。我也不對你說。明日定要娶。定要娶。**紅**不

嫁你。不嫁你。**淨**正是郎君俏佳人。有心你喝一聲我聽。**紅**

笑介。看你這般頑嘴臉呵。不喝采怎生恐。

正是閉門推出窻前月。堪笑梅花空自香。**下****淨**吊場。這妮

子擬定都和那酸丁演撒了。我明日自上門去見俺姑娘。

個大謊。只說張生中了狀元。贅在衛尚書家。做了女婿。

俺姑妯聽是非。他自小又愛我。必有話說。休說別的。則俺這一套衣服也衝動他。他若不肯。我便放起才來。且看鶯鶯那里去。終不然到官司。斷與張生做了夫妻不成。

且將壓善欺良意

權作尤雲殢雨心

第三十四齣

榮圓

金雞叫夫上聽得人傳語。今科狀元少年君瑞。紅上蒼天。不負男兒志。合身著官袍。手攀仙桂。

老旦本待將心托明月。誰知明月照溝渠。昨日鄭恒來說。張生中了狀元。入贅衛尚書府中。做了女婿。我依前將女

兒嫁與鄭恒罷。着他擇個好日成親。紅昨日鄭哥哥之言。未可便信。老夫人三思而行。倘張生無有此事。榮耀回來。兩邊怎生發付。

似娘兒生衆上玉鞭驄馬出皇都。暢風流人物。今朝三品貴。昨日一寒儒。御筆親僉除。任在河中府。

一旦風雷動。成名天下知。如今將近普救寺了。左右。疾忙與我趕上前去。

駐馬聽生張珙如愚。酬志三尺龍泉萬卷書。鶯鶯有福。請了五花官誥。七級香車。身榮難忘。借僧居。愁來猶記。進寺

處從應奉夢魂兒不離了蒲東寺

下官蒙聖恩除授河中府府尹。衣錦還鄉。小姐

都請在此。若見俺小姐。雙手捧將過去。迤邐行來。

是普救寺門首。不免徑入。左右們回去罷。衆應下。老旦

娘。去看外面甚麼人嚷。紅出見生介。紅呀。原來是姐夫榮

回了。且喜。且喜。生是小生回來了。與我報夫人知道。紅進

報老夫人。張先生做官了。回在外面。老旦請進相見。

刮鼓令。生相見介。重相見可喜。謹躬身問起居。拜介老旦

休拜。休拜。你是奉聖旨的女婿。我消受你拜不起。生慈顏





原件短缺

P52

